



蜷埔蟻喉叫

幾若冬前熱人的下晡(poo)時
樹蔭(ńg)裡(--lí)的蜷埔蟻(am-pôo-tsê)喉叫
意義 意義 意義 意義
鑽錢唯是、水藻(phiô)無根的湖絲客應講
幾圓 幾圓 幾圓 幾圓
氣力飽飽、頭殼冇(phànn)冇的少年家
追逐(jiok / lip / jip) 追逐 追逐 追逐
佇病床頂賭(tshun)氣絲仔的人咧(teh)問
兩年？一年？半年？較無半年？

今(tann)冊已經貯(té)滿圖書館
好(hònn)教的先生佇網路趨湧(tshu-íng)
佇半空中飛滾(thuànn)
我掠準若三思共斟酌想過
上無嘛會tsang著真理的衫仔裾(ki)尾

哪會知
時鐘的分針揆(tùh)我
秒針掙(sut)我
我閣走並(phĩng)緊
嘛走袂出愚圖的走健機
覓無停睏的烏色塑膠帶仔

Amen Amen Amen
綴(tuè)
失禮 失禮 失禮
喙焦的時
共耳空窒(that)咧
iPod的音量掙(tsūn)甲盡磅
敢通(thang)暫時消(siàu)閃嘈(tsô)人的蟬聲

毋通笑我
這毋是一个簡單的選擇題

是欲

佇無閒的中間失去意義
抑欲
佇追逐(jiok / lip / jip)意義的中間拍毋見生存的意志
攞怪整數袂做得標準答案
毋才隨人佇零使(kah)一之間
倚(khiā)做六十外億的有理數

檢采(kiám-tshái)閣有熟人的下晡時
樹蔭裡的蜃蜃蟬若喉叫
意義 意義 意義 意義
我嘛毋敢āng聲展長(tsiáng)志
靈魂做杵(thú)
磕(kháp)肉體的石舂(tsing)臼
是碎鹽(iâm)鹽的心哼呻(hainn-tshan)

會使斷半圓
無閣痾追逐(jiok / lip / jip)
毋知賭幾年
我決心欲教蟬仔著學鸚哥鳥
改喙講
對家己老實 來 綴我講
對家己老實
老實 老實 老實 老實

無奈何(ta-uâ)伊猶原煞(sannh)心
長長短短 連跂接跂唱(tshiàng)我
意義 意義 意義 意義
啥物?! 你講
意義 意義 意義 意義
你閣講!!!
意義 意義 意義 意義

創作理念

熱人e-poo時的蟬聲，是「sih sih sih sih」也好，是「ki~ki ki ki ki」也罷，無張持予我聽著袂輸某一種啟示，斟酌ka聽，明明有字有句，自按呢寫落這篇俗蜃蜃蟬的對話。

劉承賢

國立臺灣師範大學台灣文化及語言文學研究所

